

1223.

[m. 1d.]

TRANSCRIPTA CARTARUM QUAS LEULINUS ET SUBSCRIPTI WALENSES FECERUNT APUD MUNGUMERI DIE DOMINICA PROXIMA POST OCTAVAS SANCTI MICHAELIS ANNO REGNI DOMINI H. REGIS VII, DE SATISFACTIONE FACIENDA DOMINO REGI ET SUIS.

*Wallia.* Omnibus ad quos presens carta pervenerit, Leulinus princeps Norwallie, salutem. Noveritis me, tactis sacrosanctis, jurasse quod satisfaciam domino meo H. illustri regi Anglie et suis infra terminos rationabiles quos mihi prefiget dominus Cantuariensis archiepiscopus et in loco competenti, de dampnis eidem regi et suis illatis per me et meos a die captionis castri de Kinardesle usque ad diem absolutionis mee, diem, videlicet, Sabbati in crastino octavarum Sancti Michaelis anno regni ipsius regis vij. In cujus rei testimonium huic carte sigillum meum apposui. Hiis testibus, domino S. Cantuariensi archiepiscopo, domino P. Wintoniensi, domino H. Herefordensi, domino R. de Sancto Asapho, episcopis, H. de Burgo, justiciario Anglie, R. comite Cestrie et Lincolnie, W. comite Sarrisburie, W. comite Warennie, W. comite de Ferrariis, Roberto filio Walteri, Petro filio Hereberti, Willelmo de Albinaco, Johanne de Monemue, Hugone de Mortuo Mari, Waltero de Clifford, Johanne filio Alani, Rogero de Clifford, Willelmo de Stutevill, Philippo de Albinaco, Ricardo de Riveriis, Radulfo de Trublevill, et aliis.

Omnibus ad quos presens carta pervenerit, Mereduc filius Roberti salutem. Sciatis nos manucepisse et tactis sacrosanctis jurasse ad preces Leulini principis Norwallie quod nisi satisfecerit secundum judicium ecclesie domino H. regi Anglie et suis de dampnis eis illatis per ipsum Leulinum et suos a die captionis castri de Kinardesle, usque ad diem absolutionis ipsius Leulini, scilicet, usque ad diem Sabbati proximam post octabas Sancti Michaelis anno regni ipsius domini regis vij, ego eis inde satisfaciam ad terminos rationabiles quos mihi prefiget dominus Cantuariensis archiepiscopus, ad quod faciendum me et Christianitatem meam obligavi. Et in hujus rei testimonium etc. Testibus predictis.

Eodem modo fecerunt cartas suas Mailgon filius Resi, et Robertus filius Maddoc, Resus Crek, Maddoc filius Griffin de Bromfeld, Elysse filius Maddoc, set nondum receperat dominus rex predicta die Dominica cartas Resi Crek, Maddoc filii Griffin, et Elysse.

Omnibus ad [quos] presens carta pervenerit Mereduc filius Roberti, Robertus filius Maddoc, Mailgon filius Resi, salutem. Sciatis nos manucepisse pro Maddoc filio Griffin de Bromfeld et Elysse filio Maddoc quod idem sacramentum et eandem obligationem facient infra terminum quem dominus Cantuariensis archiepiscopus eis prefiget, quam nos fecimus per litteras nostras patentes de satisfaciendo domino H. regi Anglie et suis de dampnis eis illatis per Leulinum et suos a die captionis castri de Kinardesle usque ad diem absolutionis ipsius L. videlicet usque ad diem Sabbati proximam post octabas Sancti